


傳通良采見 故善義

秋





觀經散善義傳通記卷第一見聞末

▲本 又深心深信等者其義如抄又一義云今始又
深心等者爲令知深心分齊也謂上來雖約機法順三
經釋深心相深心信分齊未顯故今對破人爲破人所退
失往生爲淺信不所退失爲深信分齊牒上來經釋述
其相故云深心深信次云○解故見生等者 問解見
差別其相如何 答解者隨師解義也見者是推求推
度義也 ▲本 多引經論等者 問何故至答會經不
會論乎 答論不出經意故舉經顯論會耳 問若經
論一意者何故上破菩薩論乎 答是非實破論爲破
通論解誤且破論家非是實破也 ▲本 何以故等者

何以故意正在佛說彼經處別等然我亦等容在對機
別等文後然難者信自力出離不信他力今二引俱依
之故二引上進云然我等也又然我等者通伏疑謂上
云不受汝破若余者不信難者所引經論歟故次不受
汝破言先云然我等也▲本然我亦不是信等者是
能難經論旨中有二初直是經論次然佛說下述於能
難經中時處機益有其差別遭難者偏情成下自力他
力亦別言若汝偏執自力得道不許他力出離者汝所
執諸經中亦時處機益別而有大小權實等不同汝專
執一經益可失諸經^詮別利益乎若許諸經各々益有何
亦不許他力益彼爲人天二乘等說此爲韋提等說豈

此彼混同不許別益乎又一義木云初後經者對此觀
經時處等別者觀經利益別云也謂然佛說等者對觀
經述諸經利益各別事觀經能對諸經所對也次又說
下對諸經述觀經利益事別諸經能對觀經所對也當
文已下有三然初二隔然後一然余也○例如彼云等
者是止觀文也依敵對所敵尚增喻也猪瞑崩山然金
山不破所磨^空營也求羅者虫名也此虫大如微塵值風
不可住然依風大小其身大小也彼本文意言昏散二
病起障止觀然行者觀昏散即止觀時止觀弥明靜也
是耶猪不磨金山金山何成色風不吹求羅何成大身
如此依昏散起止觀增明靜也具云迦羅求羅虫此譬

在智論也 ○起信論云如二等者是二乘三賢斷惑同證也初發意有初住發心位故○覺於念異等者彼論意根本無明三細智相々續無明也執取計名見思也見思對無明天鹿分別等分別者計名也念異者五種有爲中異相也論云四者計名字相依於妄執分別假名言相故已執取云執著相也論云三者執取相依於相續緣念境眾住持苦樂心起著故已香象云三者執取相者謂於前苦樂等境不了虛無深起取著故已二乘三賢始覺智異相遣執著對地上證位故名相似覺如天台家相似即起信云初發意菩薩以深樂信真如法故已於二乘有與棄義無大心故屬邪地斷見思故


同三賢凡彼論意生滅門有九法真如虛空始覺本覺名四種無爲是能證智所證理也根本無明生住異滅名五種有爲根本無明生住異四名煩惱滅一名業於煩惱中根本無明生住二相名法我見十地等覺妙覺斷也異相一名人我見三賢斷之滅相一生死業苦也十信雖之初煩惱擬五住煩惱異相者見思四住也根本無明生住無明住地也問智相々續六麻摶也何爲無明乎答對三細雖鹿未起分別執著但是法執故爲無明也問以生等四相當三細六鹿樣如何答釋論三云根本無明薰本覺時生三種相故名生相云何爲三一者獨力業相二者獨力隨相三者俱合動

相獨力業相者非取無明之躰取無明用故獨力隨相者非取本覺之體取本覺用故俱合動相者取和合動相故惣舉此三故名生相々々之攝立初生故住相有四一者轉相二者現相三者智相四者相續相以何義名爲住此中住義隨應差別所謂若據轉相說其住相能住持心識薰習故名住相若據現相說住相能住持色相薰習故名住相若據智相說其住相能住持六種漸次分別相智相應染故名爲住相若據相續相說其住相能住持分別事識連續染污故名住相異相有一者執取相二者計名字相直人執果如是二相名爲異相若據執相說其異相能緣一切無量別相隨其諸

相鹿分別識而能執者異相自成異故名異相若據名字說其異相隨相立名依其名字而起者故名異相滅相有二一者業相二業繫苦相如是二相壞前異位令受苦輪復次受苦輪時滅一切無量善品故名滅相復次發起業時佛性善根漸々損滅故名滅相已上問以三細六龕等如何對諸識乎答與相滅相六識相應住相中智相々續第七識相應三細中轉現第八識相應生起第九識也是等皆流轉門故不緣真理第十識緣真理也釋論云如是十中九種心不緣真理後一種心得緣真理而爲境顯已行願品疏云根本無明者橫從空起不同餘伏展轉相因上起信論疏序云此論所詮

染法從本起未略有五重以對諸宗顯其分齊五重者
一、唯一心爲本源二、依一心開二門一者心真如門二
者心生滅門三、依生滅門明二義一者覺義二者不覺
義無明義爲相是四、依不覺義生三細五、依現相生六龐云圖

云



生

一業相

自射分見分

三細

二轉相

九地斷

第八識

住

三現相

相分八地斷

第六

一智相

知分別境界自二地至七地

六龐

二相續

生苦業受初

第七識

異

三執取

諸苦樂三貴
斷思惑也
計名字見惠

第六

滅

四計名

計名字見惠
三賢斷也

五起業

上煩惱果
遷業十信斷
名上人執

六果報

受報已上人執

起信論云一者無明業相以依不覺故心動說名爲業
覺則不動二者能見相以依動故能見不動則無見三
者境現相以依能見故境界妄現雖見則無境界以有
境界緣故發生六種相一者智相依於境界心起分別
愛與不愛故二者相續相依於智故生其苦樂譽心起
念相應不斷故三者執取相依於相續緣念境界住持

苦樂心起著故四者計名字相依於妄執分別假名言
相故五者起業相依於名字尋名取著造種々業故六
者業繫若相以依業受報不自在故上疏云以無明所
起深心爲煩惱礙能起深心之無明名爲智礙上▲本
行者善聽者行者指所化現聽者對破人故行者
與善聽中間可有仁者等言也然文言略也○恐以七
支等者以十善成六度義也且依小乘諸戒不出十支
故以初七善爲戒度不貪爲檀不瞋爲忍其義可知俱
含頌云邪見癡煩惱已翻癡智慧也故爲智度定惠必
相應故_智禪也五度行無懈怠爲進也又法華疏異今
彼八云若東十善爲六者不殺至不妄語是檀不兩舌。_{是尸}

不惡口是忍不倚詖是進不貪嗔是禪不邪見是般若
也_已▲本此必等者問法中何答難起在罪惡
機故機生云虛妄又合機法有何妨乎▲本實知等
者惠體名知惠有解義及見境用名爲解見證印定義
名無疑慮▲本置此事者指第三破此當結前_置是捨
也或標下破云置此事置是安也▲本知見等者知
見等義如次上述又准法華本理名知見實修名解行
實證名證語果後大悲名果報耳▲本縱令釋迦等
者問釋迦說凡夫往生決了義也何云縱令乎答
受破人釋迦說屬虛妄始立往生道理故且云縱令▲
本一佛等者或一菩薩多佛化意若約或多菩薩一

佛化意所證雖等由因願別所化各異然大悲同互應
所化故一佛所化即一切佛化也○今引證等者未後
一段是能詮也謂六方諸佛讀釋迦說念佛往生事故
是能詮也云▲本所說所讀等者三名雖異其躬不
別故上文云證讚彼佛依正二報使人欣慕依正持名
即是所證故亦是所讚故亦是所契故如來言音惣以
爲能云○此經唯云等者初發機相弥陀經舉行人云
善男女三經一徹故順觀經雖引彌陀經云不同問羅福
多少也即觀經上六品福多少也下三品羅多少也又
私云觀經說下三品云善男子汝稱佛名已准之彌陀
經羅福共云善男善女云次此經唯云一具等下發行

時可准前寄佛在世定命云百年大經云一世勤苦是
也次若羅若福下並時機▲本十方各出等者問
經無此言如何答經云彼諸佛等亦稱說我等彼諸
佛者指上六方恒沙諸佛故取意○無信即當筆者依
見無信故云即當是非體同云○言就人等者就人立
信有三義第1義就四重破人立非惡凡夫徃生信第
2義就三佛人立凡夫徃生信第3義就罪惡人立徃
生信心也○如彼止觀等者坡下止觀云即散而寂耶
憎而照耶弘決五云憎散無財還以寂照而爲其體故
憎散其相雖盛當修寂照耶○此有三義等者藤田第
一義意正立正雜各生信兼含正行親近信唯雜行人

立得生信前三後一人得生上兼親近信正定業人得
生心信上兼親近信及順彼佛願信隨所行品信有多重
若依此義釋初然者然尔也破標闖二行故第二義立
正行得生及親近信雜行亦徃生有失故第三義立口
稱正定業信不嫌前三後一有助證故然隔然也三義
者強不論傍正唯有人尊第一義爲正有人真理第三義
爲正是先師時有諍畢也何義相傳可得意也義三重
異終成一意見初信一行徃生次其上信親近益後其
上信本願行然就行立信有重々信也其中本願正定
業信文正音鎮西宗要聞書意云先師鎮云就行立信
信局念佛云初思此義不然中比思廿七所謂今思此

義所心云尋云若就行立信又限念佛言諸行立信何
處乎答諸行立信至三心既具無行不成文可立也
云以上聞書意也問今三重如何配當文乎答就
行有二種至二者雜行正雜二行立徃生信也言正行
下至是名爲正五種正行信有親近益又就此正下至
悉名雜行立正定信也若修前正助等下判二行得失
也問就行立信付限念佛不明既略釋法中付三經
三佛廣信定散徃生至就行廣釋同且可信稱名一行
乎答今廣畧文言廣畧也非法門廣畧然上信法中
具雖有三經三佛立信又言少云畧釋也就行立信稱
名爲先雖釋正足信文言廣云廣大也例如畧憊悔中

五惱具有之廣懺悔中雖略勸請隨喜等文言廣故云廣懺悔又摩訶止觀中立十大章判前後止觀其中大意五略中修大行有四種三昧行第七正修止觀中且與隨自意三昧略餘三種行儀然修大行名畧觀正修止觀名廣觀亦如此云問信法略有釋中舉觀經三福九品定散二善爲立信法以略推廣通付二行可立信既云就行立信者然行有二種明知廣略立信可通諸行云事若然第一頗又何第三義爲正乎答誰云廣釋中無諸行立信義以是宗要聞書云三心既具無行不成釋即雜行立信文然廣略立信可通二行但今三義付就行立信釋文所判也然宗要云此文正憲明

念佛立信何違相傳第一爲正乎明知第一第二立信義練磨義非正義故第三義爲正云也阿禮今云三義等者問此今云是第一義釋若又云信有三重料簡混合三義成一意幾見如何答此事傳通記有異本論三義傍正時學者存異義事也有本今云下至是偏而已無之仍寂惠云第三義正云又付有今云已下文本尊觀云第一義正云了惠云今云已下文禮阿書入之也然難用之第三義爲正云私云記有度々添削即先師所持本無今云已下文然其後關東披露本入今云已下文仍授之先師御本被入之不存知如此子細了惠稱先師所校更無其義事也然先師相傳任今云本

第一義盡理被仰但許取大意雖是第一義立信相以
三義意被仰可見第一義立信是昔祖師御義祖師私
莊嚴セラレタル趣也以此意可見今云已下文也此
大意更不可錯亂凡以上三義傍正如今今云之本更不
及異義歟然記祖師相傳義勢置抄物等雖多其中或
一義或二義散在被記之即嘉祐二年終天福寺疏御
談義聞書五種正行立信正定業立信兩義所載也其
中正定立信義專所賞訖又纂紫宗要第三義益正云
如是祖師御時隨機依_時文樣々義勢有之其後漸々練
磨義勢遂許取第一義此上後學皆相傳義可存第一
爲正但既及多義上不拘今云言私取捨裏非削限先_{札阿}

師實被仰第一義深秘云難云被許取第
一義事甚難思得生是信相也爲立信舉決定得生所由付其理可
立得生信例如第二第三義舉立信所由或顯五番得
或顯正定業所由如何答教言得生行機付之即立
得生信有何難如上第一義處述又先師云得生今信
相也以回向可爲得生所由也云○信心遍三等者標
立信廣通釋雜行正行名號三行無相違云也前者標
也後者即大也云○雖歸彌陀等者安心西方極樂也
起行心尚餘事故云兩相間雜也○非但行躰等者因
異俱通餘事也如讀誦雜行且誦法華方便品說諸法
實相乃至觀音普賢等品各々說菩薩威神誦彼心懸

彼菩薩故因行體雜餘事也提婆品藥王品等說徃生淨土方便品說菩提大果妙莊嚴王品有法眼淨益亦普賢品說都率忉利徃生故當果亦通一切者也唯淨土正行若回向可通一切然五正行極樂事故心自向西方餘行不然依此道理有正雜名也○答專依等者答右三義初義意非經正意正行經正意也修正行依經正意故云專依性生經也次義意三經中說其行相故唯依此經可行云云專依雜行不然觀經雖標持戒等不明行相若持戒時可依律發菩提心可依菩提心經等也○不明行相等者坂下問淨土經不明餘行等相事實然也正行之相亦不明之何云依徃生經行等

乎答明觀察正行畢經論分明也稱名行相合掌又手稱南無阿彌陀佛說之此外有何行相又唱南無阿彌陀佛是称名讚歎行相也又禮拜正行鎮西上人以嵩提^摩足作禮父王頭面作禮文釋禮拜行然亦讀誦正行大經出然余事行相全不^{見真}說故云○又正行非一等者藤田依初義者是人者也依今義是物者也所念佛名^云者故又私云於一行云行々是相續義也云△本壽經等者等是向上等也廣選擇云所言等者指上三經^已上又選擇集三經一論爲正依部依之等取淨土論歟○廣道理事等者若各論六一心也然安心起行不出定散定散不出事理故置之言也○心性平

舉者心有相性相即有爲也性即無爲也此無爲徃名
理一心也○華嚴等者問理一心定散安心起行中
何根乎答解知諸法一理可攝安心若觀理可提起
行此等皆散心也若發得定可根定心也○玄義分等
者問文無一心言何爲證乎答相心緣慮散心中
心依孫一境不散也等持心所等持心々所趣一境不散
也○心々相續等者前滅後生云心々心不散前後同
心故云相續不雜餘心云無他想間雜也○屬起行等
者論家一心五念修行故爲起行一心證也○安心一
心等者安心一心有惣別義惣者欣求一念脩三名橫
三心故三心惣合一心所求定一所不假餘法故汝一

心正念文其證也別者三心各一心也今疏述是名豎
三心一心信樂文亦其證也○論註下等者問次上
引證心々相續釋論我一心下釋也上爲起行證今何
約安心乎答論文多含包心行一心註家得旨釋邊
々故證心行也云▲本一心等者一義云今一心者
起行一心謂專住境其心不散名爲一心止觀七云言
一心者專住彼境一心正住若無一心親法斷絕言思
惟者思惟彼理由思惟故心不馳散上此文彼境者即實相一
理也專緣一理止觀行成故止觀云法照寂然名止寂
而常照名觀比與今意同然五種行々得心不間斷專
住善成是名一心故下文若修前正助二行心常親近

憶念不斷名爲無間上今爲成立專修義皆云一心也
問安心起行一心相如何答安心者思定出離

云道欲生淨土心不移餘法名一心超行一心者前安心

上於三業行不緣餘專注不散名起行一心也問起
行安心二心同時俱起乎答可俱起也但安心一心
具之有起行不專一時此時安心一心計現起無起行
一心有起行一心時必可具是安心一心也是安心起
行上論事也安心闕虛假行者起行安心不可言本
禮等者藤田依智論有三品一下禮口禮問訊二
中禮屈膝跪立三上禮稽首禮已▲本有二種者一
正業二助業也問依選擇集癡立助正中癡立爲正

故就正行中可標癡立義何約助正標二種乎答當又
本意正助相對判得失而捨雜歸正何忽癡正故於有
得正得正行同起類約助正義標有二種釋正定業兼顯
癡立義又望願意發立爲正然見世人癡立機少助正
機多故約多分標助正義釋正定業顯發立義又一義
云發立助正云有二種也癡立義一心專念正定之業
順彼佛願故立念佛癡余正行在文分明也二若依下
述助正義本願念佛爲所助故推上不述釋能助耳○
答淨土論等者大經第三十七願云十方無量不可思
議諸佛世界諸天人民聞我名字五鉢投地稽首作禮
歡喜信樂修善薩行比鼓音聲經云十日十夜六時專

念五躬投地禮敬諸佛上虛空藏菩薩佛名經云阿彌陀佛別心敬禮得離三惡道後往生其國已○又龍樹十二等者問今十二禮爲正依爲傍依答十二禮不離餘禮故禮讚中夜用之十住論阿彌陀章傍依彼論通諸佛故云彼論以三十一行偈廣讚歎彌陀德云次上文云是諸佛世尊現世十方清淨世界皆稱名憶念阿彌陀佛本願如是若人專念我稱名自歸即入當定得阿耨菩提上彌陀章中以偈阿彌陀佛禮拜讚歎故成二證也云○惣明常念等者下云時節分齊且云一心專念故對下四威儀別相當念云擇明常念也○行住座卧等者行謂行步住謂住立行時暫文名住故

異四儀物名住而坐謂坐居臥謂臥伏久遠如記念之不捨無間修意謂無間修有念時日今約本意明念相續若約下根時相續尚以可爲正定業本願稱名逼方機故○者者是所念法故物者也或能念人者也或語者也▲本行住等者拔下當流意於行住坐臥各造久近然有人云敬行住坐臥四威儀不忘云也不問時節久近思立從性生淨土不論發心念佛行勸之意不論發心久遠行住坐臥念佛之云事也若行住坐臥即時篇可云不問行住坐臥等既云不問時節知非四威儀時篇也云○咫尺者藤田玉云咫之介反中婦人手長八寸也尺幽亦反尺寸也十寸爲尺也○居繕首居

目緒月是日月異名也頌疏賈曾序云居縮未幾刪削
遽成已是圓暉師依賈曾請造頌疏日月未幾功可終
事書也毛詩云日居月緒從東方出照臨下土上依之
居緒言助也○如失者古人云何愁日天失如遷棄人
童顏不分月疾來令人變異也○著脫等者安樂集云
譬如有入於空曠廻處值遇惡賊拔刀奮勇直來欲殺
此人徑走視度一河未及至河即作此念我至河岸爲
脫衣渡爲著衣浮若脫衣渡唯恐無暇若著衣浮復畏
首領難全爾時但有一心作渡何方便無餘心相間雜
上野馬集者莊子陽炎爲野馬今不忝牧馬也涅槃經云跡
鹿若取此意數涅槃經十五云如家犬不畏於人山林

跡鹿見人怖走瞋恚難去如守家狗慈心易失如彼野
鹿上古人云煩惱家犬打而不去菩提山鹿招而不來
已又云煩惱家犬能打去菩提山鹿能招來上牧馬初
繫何得容易出雖初係難可相續云○但正定等者
問云若依禮誦等即名爲助業故正者對助言也若余
者何釋選定乎答正者對助定選選定故祖師釋定爲
本願證又今正者即含兩義一選定義云順願故一助
正義云正業故又選擇集本願章繼選定正難篇判助
正若今正義假何助正稱名具三重正第三正所據即闡
云○順彼佛願等者是立得名所以言正行中唯稱名
行名正定業順彼佛願故餘四正行非本願故但名助

業不名正定彼佛願者第十八念佛生因願也問唯識論繙順字右印順樂順兩義今順當何順乎答稱名念佛印定生因本願行故是印順義也若約能誓樂欲是當樂順義唯識論云若印順者即勝解故若樂順者即是欲故已以此文可配當二義也云○示津者五正行中限稱名々正定業其由難知如渡失津故明其由云順彼佛願故云示律也○所謂讀誦等者問若智者可知助義無智人不知行意故無助義如何答用助隨機約其機可論助義又無智人設雖自不行知而聞他說助義可從信之例如愚者雖不學知而聞他說不隨四重破耳○又助正等者上述前三後一四正

行助念佛行今述四行助成念佛滅罪生善念佛功能雖減多罪行人嬾隨念力微劣滅罪生善不足云行難成也○道珍等者瑞應傳云梁朝道珍禪師於廬山念佛因作水觀夢見水百人乘船欲往生西方乃求附載船上人不聽珍云貧道一生修西方業何故不聽船上人云師業未圓未誦弥陀經並嘗溫室於是船人一時俱發珍既不得去啼泣瞻覩乃誦經俗僧多時又夢一人來自銀樓臺舉手言曰珍禪師汝業既圓好用其心故來相報定生西方臨終夜山頂如列數千炬火異香滿寺亡後於經函中收得在生遺記未終前並不說於人比問念佛是本願正定業決定往生因也彼道珍

既念佛何無余行故不乘往生船乎。答念佛本願生曰業故方機可往生理在絕言也。但於平生業成機類不同也。道生法師七日念佛蒙告道線饑悔三罪業事成辨道珍亦余也。約平生業事成辨誦彌陀經也是別蒙告滅盡罪障業成機類不同證據引道珍也。○智論九十八等者是深位菩薩修行相也。初心時雜事行觀心破壞深位時修事行弥觀心明了也。故前五爲助也。○摩訶止觀等者修有漏三學助無漏止觀數又約漸次止觀行者以小乘三學助止觀也。云止觀以十乘觀爲本意故爲成此觀以戒定惠三學爲助業也。破戒者觀難成故勸持戒散心者觀難成故勸寂靜簡擇生死。

涅槃二法惠功能也無惠觀法何以成就故止觀定惠兼備觀也。○法華記一等者是普明王所得聞仁王般若得畢竟皆空理爲正聞四非常偈捨悟國情爲助之得空平等地也。空平等地者妙樂云小即初果大即歡喜上。○又有重等者止觀修行有三業身閼速是威儀緩急也。口說默唱彌陀也意止觀是以身口二業助止觀妙行也。▲本答修前等者正助俱祈彌陀事故具親近等得然念佛得順本願故尚勝四行德也。故四行得有與棄意若對雜行與云有得若對念佛奪云無得云。○迴一切等者具可云回向等今略去向後二字也。問回向二字差別如何。答回向是運義以自善回彼。

向趣求義也。○智論七云：筆者願爲要證文也。文有二重，問答初問意。菩薩修善業自然應受果報，何用願乎？如種子雖無願得果也。善根亦然也。答意作善無願，得果不定也。又成佛國土非小事，無願不可成也。次問意無願不得淨土果乎？答意菩薩本有成佛國土心，故雖有淨土果有別願，尚勝也。○趣求同故等者，問宗家釋云：以一切善根回向發願外，不云趣求同乎？答回向二字中，回者發善爲義向字即趣求義也。故釋第八門云：回所修業向所求處比要集云：回所作善趣向於_波謂之回向也。○刊定記筆者是明華嚴回向心，菩薩以三世善回向衆生菩提也。然刊定記有二義初釋。

約事未來善今回願至未來目向衆生菩提也是過去願被攝持不趣他處也。渠誦譬可用之次釋約理善根歸入理，即遍三世故未來善根現在善也。故今深回向也。云○依此教等者華嚴云：此教大乘修行十回向，第三云菩薩也。○修一念善等者觀達善財即是實相云：攝法性理，躬無差別遍諸法云：遍九世。章安云：理財無差，約事用已則此義也。○遍於九世筆者過現未來各融通三世故成九世清涼釋云：延一兼永劫攝九世入剎那上古人云：一迷來則持劫甚長，一覺生則三世同時上。又五剎那云：九世謂初剎那過去，乃至也。第二剎那過去現在，乃至過去也。第三剎那過去未

來現在々々未來過去也第四刹那現在未來々々現
任也第五刹那未來々々也法性理非世法故遍三世
故未來所修成現在善依之現在以未來善回向也刹
那者俱舍頌云百二十刹那爲恒刹那量臘縛此六十
此三十須臾此三十晝夜三十昼夜月十二月爲年已
臘縛者此云駒々ニシロク也○世出世善根等者坂下
問記三義中第三義凡聖差別何違今意乎答傍正
雖異往生既通凡聖何限凡夫可得意加之今廣分世
出世二法時且存三義也正上二義叶今意云○止觀
七云等者佛爲能化衆生爲所化能隨喜亦佛々三轉
法輪及三世諸佛等能化相也得三世利益及三世衆

生等所化相也我助彼喜及我喜等隨喜相也譬賣香
爲能化買香爲所化傍觀爲能隨喜開本文可支文相
也○三轉法輪者法華三十二緣起三重說之一略說
二流轉三還減今指之諸佛三世出世故衆生三世有
益故下云三世諸佛也拔下一義云三轉法輪出智論
是阿含經示教利喜三轉法輪也言衆生示教有利益
有利益喜也法華云餘深法中示教利喜上○慶彼者
藤田或本云被彼本可然慶是隨喜彼者所隨喜也言
彼他善我喜云也又依被字助彼云被也○又我應勸
化等者問次上其差別如何答上依隨喜生善故
云我助彼喜下依勸化生善隨喜其善也○初心至等

者依入滅小乘三祇初云初心歟又菩薩攝三乘若然初成道云初心歟○無作等者是舊譯言也新譯云無表若修善根身中生善體人不表知名無表三業現行依他身中無表任運起故名無作也○又文句等者付今文句文言已酬未酬善俱成佛因天台家大論義也但俱成佛因云義文句疏記釋分明也蓋躰有近趣人天遠趣佛果一用然近趣人天用謝遠趣佛果用不謝善趣向菩提也文有問答々々意人天少善唯住其果何法華開佛因乎答意佛性有三一正因佛性是衆生心法也二了因佛性隨聞一句等也三緣因佛性散華事善也今人天生善緣因佛性故開佛曰也方便品問

會五乘故致此問也○明三佛性者今取緣因也○復有等者上明正了二佛性下明緣因故云復有等也昔方便下遂應住果報問也法華開會以前云昔也尔前未開會時限入天目也今開權顯實時成緣因佛性成佛因也○闡提人無者撥無因果時身中事善皆滅無也問闡提有幾乎答相宗立三種一無性闡提無性有情也二斷善闡提撥無因果也三大悲闡提如地藏觀音等是也永不成佛菩薩也性宗不立無性一切皆成故又斷善有一一因力地獄苦盡信因果續善也二緣力依他勸撥無因果見地獄苦時即續善也○記天等者未開會介前五乘善云過去微善至法華入大

乘發一
大弘願一實觀音云願四弘智權即是實智也
引此願智成佛因五咸趣菩提火炎如善根虛空如第
一義空火炎念々滅如善根念々歸理或如火炎且因
空滅空同牀也木流如善根趣海如善根趣佛果薩婆
若海不聞開會前善根唯受人天果報云但由願智等
至法華開會成佛因故云故待等能化佛自本知佛
因故云若據等凡夫不聞開會時人天因思故隨此情
說人天因云近稱開此即佛因云本如也三佛性本理
性具之故云本如見火炎水流愚人可思前後一體然
念々流炎念々滅此云豈由凡情等關中已下舉他義
但衆生下破彼關中人名也堅爲正方善佛因云不受

報也言關中意善牀直不受人天果報染汙愛心正感
報善體彼助深汙因成緣也不受人天果報善牀不敵
也次破文初意衆生無始流轉人天何云不受報依我
見起貪等依之善根成人天目是云唯流妄我等所修
善受累云未掌不俱等不受報言下兩樣難之若約已
發心引願智不生人天非善體不人天因若約未發心
從無始受入天果何云不受故知不受言善體失力也
次應知下正義結歸昔受人天果善已滅未受善別分
不滅昔發心善已成佛曰受人天果善滅故今不開會
未受善及權乘回等開令發願智也○勸中者羅什三
藏四人弟子隨一生公也四人者肇融叢也彼義趣依

報天果因不復成佛云但解彼義也

瓔珞經云一切善受佛果無明受有爲生滅果已上此
文意云但五戒十善免三惡道果報有令生人中天上
等緣成邊實受報依煩惱也云○答已酬等者義意善
財本有二功能一近果目二遠果因也法華記其曰已
謝者近果功能滅也遠果因尚殘也故記云法亦無停
善根天然成佛因故法事讀亦明遠近二果法華音戒
明近果低頭舉手明遠果是影畧互顯也已上山門義又一
義云薄澤法華疏及記未見開已酬文故已酬善不成往
因未酬善根願智被制成佛因故法華記云應知曾酬
者其曰已謝未酬者毫善不亡若曾發心如水寄海酬
局因者如菓酬華故今於彼未酬之因開其局情及曾

趣向權乘道者以一實觀一大弘願財之導之上但法
事讀近遠者非一善並有二用因言或可生人天或可成
往生成佛因云也是善財具遠近果因未必未酬再感
遠果也本必須決定等者問上明三心相須何重舉二心成回向心乎答上所修善能回向中明三心
相須又回向下爲舉異學難先標三心相須故非繁重
云○則是安心等者偏取西方一土故屬安心々々直
夫往生撰々論別時云不生也三階者信行禪師建竝
三階法於機有三階三賢十地佛果第一階十信第二
階信前第三階也法有普法別法無障行一切爲普生

令念一佛等爲別法初二階住正見故行別法必脫得第三

階戒見俱破故行別法不得脫行普法可得度末法衆生第三階也念彌陀一佛是別法也故不許往生委如探要記云○疑多等者坂下異學難破云疑多此外有病患等難此云障難也又有女人天贊等諸障今他疑難故云或說也疑難亦廣謂通論信行等是也然今罪障凡夫一生修福不生一難也○如月觀等者藤田過去五逆也○答上等者上問付能修機難凡夫不生也答依攝機別願力凡夫生也今就所回向善軀一生修福對彼罪財多少遇異也不可生難也答法力勝故不

可依多火也○偏執自義等者或自身義或自力義也可○余法亦尔等者上舉下三品念佛上六品等善云餘法也○難解易解等者空有別論時有空名易解空有法含空名難解雕石穿土本有空出生等也又諸法皆空凡夫難解大虛空一切易知是云難解易解歟又有云一切也法皆備五大其空大非眼見故云難解空是即立性相無尋空也方法皆空非今意云○實火等者一切色法所具火大云實火不燒物也法依之得生長德燒盡薪木等眼見所對火云假火問火大增鬱溫病等豈實火無壞用乎答壞者減壞也非襄損義耳○各有增上等者是增強義非增上緣也○木得增上力等

者一切法皆有相剋相成若水有增上力水消火火有增上力火滅水々滅火時方合牀火滅水時隔物也故日蝕必在一月是日月和合時也月蝕在十五六日是當隔須兩時如此相對法方差也菩薩爲惡人爲惡菩薩身有爲法故也○能作留難筆者藤田衆生惡增故爲菩薩致留難也▲李隨出一門等者約無貪斷貪一云出一門依之一切煩惱自所斷云即出一煩惱門斷強一弱一切皆滅也一切惑一裹故云一煩惱也此明出所作得無貪一門云入一門依之一切能斷云即入一解脫坂下問解脫門有多牀子苔隨宗不同也菩婆多宗言擇滅有多牀經部云擇滅一牀也今煩惱

有八万門擇滅亦可有八万門經部設煩惱有多牀所識擇滅唯一牀談之○門々之機等者藤田多貪機以無貪一門出生死不假餘門云也○阿含五百等者五百羅漢各說得脫初阿難見佛處悟土也如此各々說自身得悟因由也云○淨名等者三十二菩薩以有言々有言不當不二法門淨名以無言々無言文殊以有言答無言此二人義當不二法門方法一理也故云不二法門三十二菩薩皆從此法門開悟也○二十五圓通等者圓通是聖道門所識理名也首楞嚴經說二十五圓通具云圓常通三真實也圓謂圓滿常謂常住通謂虛通也但經約觀音說真實然佛地房且二十五人也三真實者經

第六云譬如下人靜居十方俱擊鼓十處一時聞此則圓真實隔垣聽音響遐途俱可聞是則通真實音聲性動靜聞中爲有無之聲號無聞非實聞無聲聲無既無滅聲有亦非生亦滅二圓離是則常真實上聲本行者當知等者和尚指所化云行者四重破人下云行者向心終云行者皆是指所化故又依少用苦勞多得益言尚似釋成難若尔破人云行者歟四重破人下三四段破人云行者○明解廣學等者言解廣可學教凡聖佛果一切教行別可修有緣一行也問勸廣學其意如何。答廣知佛法可知二門故執自力一途不可難他力至極故勸廣學也。▲本若欲學等者言學五

乘法也謂說人天教名究竟說一乘法名聖說佛曰佛果教名乃至佛果也。問解行一雙也。行且一切何限一行乎。答約初心故別約有緣一行學解不尋有緣行故且一切歟又令知二門出離勸廣學也。▲本又白一切等者問何對所化教云白乎答所化中可有貴姓故云又大師勸往生志深故致大旨云白也○似涅槃經者經文意于四大渡河又五蘊詐親今譬中渡二河群賊惡獸詐親譬衆生五陰四大故云似引令也云○我從往昔等者我者佛言也一義云我者菩薩指自身云我也次上丈云菩薩摩訥薩常自思惟我從往昔已此文明菩薩可厭十漏也○爲是身心等者

身爲寶重爲莊嚴之心放逸造惡也○以是惡緣等者言菩薩身心可造惡因緣故於身心生怖畏也○善男子者剎告眾菩薩光明遍照高貴德王也○譬如王等者以無明譬王人身如一處四大如四地養育四大具足身云令人瞻養等也一大增病發死一地瞋所殺也五稱陀羅如五蘊也云○拔刀等者彼經人若刀若盾若弓若箭若鎧若稍能害於人五陰亦尔上譬有六種或合六弊或六煩惱又六境也○遣一人等者五蘊中執一蘊爲我意貪愛爲親善也一人是稱陀羅中一人也○不見人等者人器等知識佛教無佛道資緣也一義云經云菩薩亦尔詰觀六入空無所有不見衆生

一物之實是故善薩觀內六入空無所有如彼空聚云
○空中聲者當空還佛教等空中聲也○值一河者無明煩惱譬河也經云是故善薩觀此煩惱猶如大海上○種々草等者諸善行譬船筏也經取草爲筏者至煩惱河修戒定惠解脫々々知見六波羅密三十七品以爲船筏依乘此筏度煩惱河到於彼岸常樂涅槃比閣上墳器首合法其相如何荅經不論其相若陰身物可墳五蘊難去也經云旃陀羅人住在一處可有逃避已不隨五蘊不爾殺衆生已隨逐小離已○見毒等者於她有四怖畏謂見觸氣齧也是可合四大各損衆生

見毒等讐意也四大非有四義也○或見爲惡等者四大雖無見等義且害殺云見等也又於四大具足身或見作惡業或觸造惡等也○有同有異等者則涅槃經言舉四大五陰大境同今又六境云六賊事同煩惱譬河同今到彼岸安樂同今又不出火河無白道不行南北無畏想此等異今次智論言水火一河全同今但

小云白也○頌曰謂貪等者頌疏云頌說亦言亦非直

嗔名貪嗔意壁慢等亦由貪力於境隨增以一切惑生皆由貪力故是故應言貪瞋慢乃至貪疑及聲頃六躰各不同○准五行方等者木金火水如次當東西南北

○俱舍第十二記等者我朝一步一尺也五尺一步

同全道亦

大國法欵難知云▲本百千里等者億有四位今記取第一故百千者當十万也然億無讐故但存大數億有十万故十万大數億細數也○如止觀等者義意易知又義云法華疏釋忽然火死云忽然讐本無今有本無此苦無明故有比准之此貪嗔二何即本無今有云然法華約苦云本無今有今約煩惱云本無今有云○感行轉等者坂下俱舍頌云欲界諸煩惱貪喜樂相應頭憂苦礙遍邪見憂及喜礙憂餘五喜一切捨相應上地皆隨應遍自識諸受已頌意云貪喜樂相應者貪歡行轉通六識相應喜樂瞋憂苦者嗔威行轉亦通六識付憂苦生也癡遍首礙通前四受相應也謂喜樂憂苦

也邪見憂及喜者邪見付歡威行轉且意地起憂喜相應疑憂者以威行轉且意地起也余五者自見等四及慢也此五以歡行轉唯意地起也一切捨相應者上所舉一切也諸隨眠相續斷時必住捨受故也上地皆隨應者初禪眼等三識_止起煩惱樂捨相應若意地起喜捨相應二禪已上唯在意地也若二禪起惑喜捨相應三禪起惑樂捨相應第四禪乃至有頂所起惑唯捨相應也○歡喜轉等者藤田從違境起名威行轉從順境起名歡喜轉是釋論名目也○從微至著等者下品名微上品名著九品豎也故合淺深橫有五部故壁邊畔也▲本白道者白黑善惡異名也故俱舍論立四業

云黑業白業黑白雜業非黑白業釋三性云可讚置白
果中名善可毀置黑果中名惡不可毀讚置黑白中名
無記已上徃生願心通淨土故讐白道也▲本四五寸
者四五是少之義也如云三五又微弱願心即四種五
念安心故名四五也○成就貪等者水火二河讐成就
惑波炎辭現起惑成就者煩惱取心中不現起若依大
乘種子位也現起者煩惱正起心也若依大乘現行體
也此即三心起時三心現起煩惱成就如白道顯水火
無波炎貪嗔現起三心則成就如波炎起燒濕白道也
○欣都寧等者彼天同欲界內故云住是對界外淨土
是晉上走也▲本正當身心等者不知徃生方飢前

滯自力情恨自罪惡而成往生不可思然依釋迦說教

彌陀願意即信貪瞋罪惡身心是往生正機故云正當

一宗眼目徃生肝心在此文留心可思云▲本六根

等者六根等障道如上波炎隨愚根樂三有陰入畏說

免受想行識名爲五陰六根六境爲十二入閑意入爲

六識成十八界四大色之能成也云已上藤田愚根樂

三者俱含頌云愚根樂三故說蘊處界三上釋云所化

有情有三品故世尊爲說蘊等三門愚有二者或愚心

所惱執爲我爲說五蘊以五蘊中一蘊是心然心所法

分爲受想行三蘊能破說五蘊彼執或唯色愚惱執爲我爲說

十二入以十二處中十處是色唯意法非色故說處門

能破彼執或色心愚惱執爲我爲說十八界以十八界廣說色心十界是色餘八界是心故說界門能破彼執根三者謂上中下根也上根能別說畧便解爲開五蘊中根稍根達說十二處方解下根竅鉢要須廣說故爲談十八界樂三者爲樂畧中及廣文故如其次第說蘊等三上我者當一義爲破此執自心所爲三蘊故無常一義也四大色之能成者先繹其名次明能所造釋名者七卷章云瑜伽第三說此大種其性大故爲種生故名爲大種大有四義一爲所依故與諸造色爲所依處二財性廣故財寬廣於造色故三形相大故大地大水大火大風相狀大故四起大用故成壞世界作大用故種

者曰義或類義此四種爲生等五因起衆色故種類別
故虛空雖大不能爲目內種子等雖能爲因體相非大
所樂諸法非大非種由此地等亦大亦種持業釋也若
言四大種四是數名即帶數釋也別名堅勁義是地義
流濕義是水義溫勢^熱義是火義輕等動義是風義其地
即是大乃至風即是大皆持業釋上次言能所造者色
法四大所造能造諸宗義異也外道邪義不能廣我載小
乘中薩婆多師四大能起色法所造經部大種爲所色
法爲能大乘同前生等五曰者一生因謂離大種色法
不起故二依目謂所造色依據大種乃得生三立因謂
大變易異時造色隨變易故能造乃造安危必同故大變

時造色隨續異四持目謂大種持念不絕故造色續生
由大力不尔造色應有間斷也五養因謂由大種養彼
造色令增長故云○流轉還滅等者釋論生滅門云不
生不滅與生滅和合非一非異故名阿賴耶識已真如
門不見染法生滅門染淨相對不生不滅是淨法生滅
是染法染淨二法俱行俱轉故云與也下轉門時生滅
與不生也還滅門時不生與生滅也淨法有四種謂始
覺本覺真如虛空也始覺本覺能證智真如虛空所證
理也染法有五謂根本無明生住異滅也此染淨二法
各有強弱流轉時染法力強還滅時淨法力強也言其
斷位法性通用合無明用成三細六龐今向本理時十

信離起業果報三賢斷執取計名地上斷智相々續至
佛果時斷獨力業相根本無明是云上轉也○釋論云
等者坂下論明真生二門付生滅門中潔淨門分別上
下轉文也真如門本來不見妄是天真獨朗絕待理也
生滅門相待俱成無常法也其生滅門猶有清淨染淨
二門其清淨門尚不見妄染然待染淨談清淨故尚相
待門理也其染淨門中出上轉下轉即今所引是也○
答上斥等者藤田答意上依貪嗔行虛假故闕安心今
雖有往生安心凡夫故對境貪嗔起是非壞安心根源
貪嗔也○非如昔日等者憑他力願往生故貪嗔少薄
非如不願往生時是依攝取光益三垢消滅身意柔軟

德也○淨心等者白道安心微少云一兩此外貪嗔競
起云濁亂也○如龍得小木等者問佛号元具万德
何喻小木乎立荅所修佛名雖大善根紩能修心品劣
弱而名小彼万德者佛躬能也豈爲機力用乎○或云
他力等者是西山義也○或云願心者是本願義也破
意可知云○抑功德等者法華記云大乘善根理實無
漏上言大乘意万善歸理故斷善者功德用押不減躬
也故名真善妙可小乘意撥無因果時躬貫斷也○
堅執罪體等者言造重罪執罪體何修懺悔不滅此罪
深心順思惟故退三心也是愚癡人等起也寸刀尺木大藏
小火豈疑此無其德乎又一義云逆説等尚雖得生行

人意鈍故造重罪。不射昧心不發從性願心也。此云自造罪退失也。○三心生起次第等者言若住虛假心機。信心何有。疑心不可行同。何善云。○同時俱起者俱舍頌云。欲有尋伺故於善心等中二十二心所有時增惡作比。欲有尋伺故於善心等中二十二心所者欲眾中必有尋伺故於善心等中二十二俱生謂大地法。十善地法。十尋伺也有時增惡作者然此惡作通善惡性於善心中有無不定故言有時善心若有前心所更增惡作成二十三亞作者惡所作駁名惡作為所作事起心厭惡若善若作若不作俱有其境也謂緣惡作心追悔性也。作是境也非追悔也今追悔名惡作。

事從境爲客也。問二十三心所俱起義如何。答於心所中。大地法。十善地法。十尋伺。二加惡作。云二十三大。地法。十者俱舍頌云。受想思觸欲惠念與作意勝解三摩地遍於一切心。比受領苦樂俱非々々者捨受也。想者取像爲義。於善惡境取差別想也。思者心念有告作也。觸者根境識三和合生觸對也。欲尚未所作。事業惠於諸法。生隨擇念明記不忘也。作意動作爲能謂心生。鷲覺也。勝解於境。即可決定三摩地者。此云等持謂心一境性也。遍於一切心者。釋得地名。此十心所遍三性等。一切心所。彼餘心所不能遍。一切故不得。大地名也。大善地法。十者頌云。信及不放逸。輕安捨慚愧。二

根不害勤唯遍於善心已上信者澄淨也心無疑濁義也不放逸者於修善專住爲性也輕安者於善法中有堪忍也捨者離沉掉也正直爲能一根無貪無嗔二善根也無癡攝大地法惠不別說也不害無損惱義也勤精進生心勇捍也唯遍於善心者此具兩義一唯善性也二遍一切善心大地法遍一切非善性唯此信等具此二義名大善地法也尋伺者是不定地法心所也須云尋伺心鹿細上尋者求物心廉性也伺者細性也釋云尋求伺察已惡作如先云問若依小乘者其義然也依大乘於大地法十有遍行別境二遍行者觸作意受想思五也此五如小乘遍諸心別境五者欲勝解念定

惠也此五心所依境有無起不起不定也若然三心相應心所唯限遍行五可除別境故西方要決云正念佛時與遍行五所已上何云二十三心所乎答於大地法中令遍行別境最然也但發三心時別境心所俱起謂樂欲極樂欲心所不忘極樂念心所也巽極樂惠心所也決定徃生勝解心所也心依極樂心一境性三摩地心所也相傳意如此故云同時俱起也○就一者等者此有二意若約無三病人橫具三心一者等說只是說必次第也若約有三病人豎具三心一者二者等說且約前加行非已具時今論生起次第是次意也○三結文華者問經說三心云具三心者心生彼國已上今

三心既具等文可釋彼經文乎 答說三心結其益云
具三心等無三心既具等文又結釋彼意也 ○ 受法不
同元^言由心異等者上述機有上下故心品可有差別今
釋心品有異也謂於善^下躰者雖無上下勝劣由機品受
法不同也不同即由心品別也凡善下遁述善惡機心
品有異以例今三心可有差品也 問當流相傳意住
生思起行不飾名至誠心^云若於餘二心者成淺深
義而至誠心何有淺深乎 答此難非也至誠心所依
無貪等四既通淺深能依機行捨何無淺深其淺深者
精進三根
對虛假境界勝劣治彼可爲淺深義如深信隨破人階
際^{隆中}有上々品勝用^云○一世之行等者聖道門^{送多劫}

三心等者是一念義小坂義也立即使徃生義故云三心不退三心若退即便徃生義不成立也○答三心等者初標三心懶要次但對下約機成傍正後取要下就三心躬成傍正安了機法修行時余二心自具故深心爲要也○古來未安等者後二心其體顯也第一至誠者未支也然阿初安立之故云今云也虛假者行詔曲真實者正直也釋行捨云正直知至誠心行捨爲體又依貧行虛假誠心具足人可無虛假意樂貪故誠心無貪爲躰也○法宗原等者光法師作一卷此文記俱舍名目也詔翻行捨也詔翻無貪也○詔謂等者內心外相不調也○不能如實等者言心曲者詐人目故無如

實顯自性也○或矯非撥等者言令他見勵善根之相云矯是非善現善相也此善爲名利不爲出離云非撥非撥善根也或此人虛假故所得物對外見令思非撥且非撥也○或設方便等者爲貪名利外相現善相云設方便令見他人真實善根云令解不明也○詔謂等者無德詐現有德有人作歸依想誰惑他人存利調故依貪起誰故云彼等流也○詔是諸見等者設方便故惠勝也故云見等流見是邪惠故翻之正惠云○又云詔與貪等者擇相似義詐與貪其行相似似故云相似也○即爲正直者翻曲爲正直久々是行捨心所也○品類足諭者世友尊者造也佛滅後三百年始也忽有

六足論頌疏第一云諸論者六足論也一舍利子造集異門足論二目連造法蘊足論三迦多演那起施設足論此三論在世起論也佛滅後百年提婆設摩造識身足論三百年初尊者世友造品類足論眾身足論比略頌云身子集異目法蘊迦多演那起施設足根婆設摩識身論世友品類及界身已上○五識名身者五識所依根皆是在身故五識約能有名身也○當行捨者述記云論曰行捨至靜住爲業述云四行者行蘊令々中捨簡受蘊中捨故置行言亦以四法爲躰別正對治掉舉躰性靜住爲業已文意行蘊所攝五十八法中捨心所是云沉掉捨雕捨受蘊中苦樂憂喜捨々是云苦樂中容

捨然心所所舉捨離沉掉心平等無驚覺捨故簡受蘊捨云行捨也○又唯識等者前義云行捨或無貪行捨廣通四法故雅識論云云何行捨精進三根令心平等正直無功用住爲性對治掉舉靜住爲業謂即四法念心遠離掉舉等障靜住名捨平等正直無功用住初中後依捨差別由不放逸先除離染後捨念心寂靜而住此無別靜如不放逸離彼四法無相用故能念寂靜即四法故所念寂靜即心平等故上四法者精進三根也三根者無貪無癡無瞋也今云不詣不誑故無貪無癡一分也故上下義唯是廣校異而非相違故謂行捨於四法假立謂等於貪癡二法假立云○所引唯識文云

何行捨者問也。精進下答也。○不覆誰詣筆者。問不
覆筆皆是善也。若余者何故善。唯立十二不別立。彼等
故又解理通說多同躰。迷情事局隨相分多。故深與淨
不應齊責已所引文。深淨相翻者問也。淨勝等下答也。
答有三解起蓋可見。又解理筆者述記云此第二解淨
法是解順於正理。故雖翻染有不慢等多名物屬與此
十一同體。以解理通相融故可少擇。多法同體迷情
隔於理物事躰既局雅染增相故分多種。故深望淨不
應答齊上述記文順添增相等者迷前諸法局分無融
即義故相增隨此煩惱說多種也。又慈恩大師一卷云

又深順情令知厭惡故深廣說善法多說恐起難修心
故略不說云○又云云何等者貪財物等云利名聞云
譽內心異外相故云異謀以耶事活命故名耶命此註
貪癡上假立也非一切貪癡皆現詭故云一分也○疏
云等者初釋論文次雖亦癡下合諸文○非意同異等
者爲名利不正現害故云非意外儀同真實內心異真
實故云同異○雖亦等者唯識述貧癡分對法云耶命
依是當貧分也此約多分說也故會雖亦等也瑜伽五
十五五十八云癡分依定體也雖非貧現詭故癡定躰
也對法偏說貧邊瑜伽偏說癡邊唯識說貧癡故同本
論瑜伽又同對法也○論云等者前詭貧名利今詭貧

眷屬故今現貴儀異儀異內心故云異儀感他爲自所
隙如懸網云網他也○教悔者教即悔也○師友者師友
也俱舍法事讚師名三友々者頌疏云親復分三謂
上中下上親友者謂生法身中親友者丈財法下親友
者唯財也已○或掩捨者他不得自在云掩成下劣云
捨券所捨故云云○五蘊論等者文意依謂覆罪故謂因
甲方便也羅果也此文釋謂云覆藏以果顯目也○不
尅復詣等者藤記云不尅覆詣俱覆罪故二相雜別不
尅許覆詣俱生已余如今記所引五蘊論釋謂云覆
藏等覆藏者覆心所此果也謂曰也若詣體即云覆藏
者覆詣俱覆罪故二心所可無差別云此一理次不小

應許下又立一理若二同覆罪可俱生然覆詣小隨煩
惱故非俱生法於二十隨煩惱八名大隨通有覆不善
而八俱故二名中隨限不善二俱故十名小隨限不善
而十中乃至二三更不俱起故大隨八者一不信心所
二懈怠三放逸四惛沉五掉舉六失念七不正知八散
亂也中隨二者無慚無愧也小隨十者一忿二恨三惱
四覆五誰六詔七矯八害九嫉十惄也隨煩惱者隨本
煩惱起故名爲隨煩惱者擾也惄者亂也擾亂有情趣處
生死名爲煩惱也二十中小隨十大隨中放逸失念不
正知此十三數依根本煩惱而起名之爲隨無慚無愧
棹舉惛沉不信懈怠散乱七種雖非依根全而起緣波

得有亦名爲隨百法論疏云初明小隨各別起故次中隨遍不善故後明大隨遍染心故此即是初分十如文一忿者依對現前不饒益境憤發爲性能障不忿執杖爲業謂懷怒者多發暴惡起身表業故二恨者由忿爲先懷惡不矜結惡爲性能障不恨麁惱爲業謂依恨者不能含忿相蟄惱故三惱者忿恨爲先追觸暴變很戾爲性能障不惱蛆蠅爲業至此上三種逆嗔一分爲躰四覆者於自作罪恐失利養隱藏爲性能障不覆悔恨爲業復覆罪者後必悔恨不安隱故貪蠻一分爲躰不惟嘗苦覆自罪故恐失利養覆自罪故五詐者謂爲獲利養矯詐現有德詭詐爲性能障不詐邪命爲業謂矯註

能障淨信隨依爲業懈怠者於善惡品儻斷事中嬾墮爲性能障精進增染爲業放逸者於潔淨品不能防修縱蕩爲性能障不放縱增惡損善所依爲業惛沈者令心於境無堪忍爲性能障輕安毘鉢舍那爲業掉舉者於諸所緣不能明記爲性能障行捨奢摩他爲業失念者於諸所緣令心流蕩爲性能障正知致犯爲業散亂者於諸所緣令心流蕩爲性能障正定惡惠所依爲業正知者於所觀境謬解爲性能障正知致犯爲業已取意上云云五十八癡究竟成邪見故同五十五也又一分故云品類問三心有橫豎乎答願生心具三義橫三心也本願又小經一心等是也有一者二者等說是

豎三心也問既云三心是心王何以心所爲體乎

答本願文云信樂欲生豈非心所隨釋三心妙存心所故以心所爲三心躰但至難心王是主其躰是勝心所是伴其躰是劣也故舉勝心王顯劣心所唯云三心例

如隱劣顯勝唯識也尋云心王心所其差別如何答

唯識論云恒依心起與心相應繫屬於心故名心所

唯識義南都小鳴信與狀云問緣境之能心王既足何必用

心所答不爾論云心於所緣唯取惣相心所於彼亦

取別相助成心事得心所名如畫師子作橫填縫上

問其取惣相取別相之心何答心王若緣青色時但

惣青不更分別何物之青心所於彼青仍能伺物分別

故心王但取惣相心所取惣別相爲言喻意言如有畫師與子師即以墨書惣相了弟子以青黃等種々之丹絵彼物相上令其媚好以墨畫爲跡如取惣相著綠色時令媚好出如亦取別相爲言問心所俱起行相如何
參樞要下頌云五法五俱起謂遍行五隨一起時必余四俱起故九法必六俱謂別境五不定因此九法隨一起時必遍行五俱起故九法定十四謂無明與八大隨眠俱起時必遍行五俱起故云十四二十一十五謂善除輕安余十法本惑除無明暝餘八法小隨惑中謂詔矯三合云二十一此中善十俱起時必遍行互俱起故云十五若本惑八中隨一起時等無明並大暗惑

八及遍行五俱起故云十五若詔誑矯中隨一起時必無明并大隨惑八及遍行五俱起故云十五三共起十六謂輕安並中隨惑無慾無愧云三法此中輕安起時必餘十善及遍行五俱起故云十六若無漸無愧俱起時必無明並八大隨惑及遍行五俱起故云十六八法十七俱謂嗔及小隨惑之中除詔誑矯三餘七合云八法此中若瞋等八之隨一起時必無明並大隨八中隨二遍行五俱起故云十七是心所相應有惠者當悉中隨二感亦並頭起大隨八惑並頭起又善心所若有輕安起_地十一並起_地無輕安餘十並起自餘_地所起

時不定也。問遍行別境二類心所於何境轉乎。答獨於可意相轉。想於言說因相轉受於順違。但非境轉。

思於造作境轉。作意於前四境轉。已上欲於所樂境轉。觀察勝解於決定境轉。持念於曾習境轉。明記定於所觀境轉。專注惠小於所觀境轉。簡擇也。欲境問五十法與八識相應。多小如何。答且第八有漏位唯遍行五相應第七有漏位十八心所相應。謂遍行五我癡我見我愛我慢四大隨惑八並別境中惠也第六識五十法皆悉相應。前五識相應三十四心所謂遍行五別境五善十一本惑中貪瞋癡三隨惑之中大八中二也。若無漏已轉。八識各二十一心所相應。謂遍行。

佛果識

五別境五善十一也。問且就第八識何故別境等不相應。答論云互相違故也。謂欲慾望所樂事轉此識任業無所怖望勝解印持決定事轉此識朦昧無所卯持念明記曾習事轉此識昧劣不能明記定說令心專注一境此識任運刹那別緣惠唯簡擇德等事轉此識微昧不能簡擇故此不與別境相應此識唯是異熟性故善染汙果亦不相應惡作等四無記性者有間斷故定非異熟云又云然諸教中但說唯心不言心所者心是所依爲王勝故心所是能依如巨劣或隱劣心所顯勝心王但言唯心不言心所云又云問定惠轉一境何云別境心所答其約多分云別境欲勝解念各轉別

之境定轉惠境是少分故論云所緣境事多少不同上
問定惠必轉一境者一切時必専數答不定或唯惠
轉非定謂散亂位不專注馳散推求也或唯定轉非惠
謂愚昧類爲正散心雖專住所緣而不能簡擇也上略
識論云如是六位合五十一一切心中定可得故緣別
々境而得生故性是根本煩惱根故唯是煩惱等流性
故於善染等皆不定故比唯識義云問且何故隨惑
中分大中小乎答論云謂惱等十各別起故名小隨
煩惱無惱等二遍不善故名中隨煩惱掉舉等八遍深
心故名大隨煩惱上意云忿等十別頭獨起無並起義
故名小_也無惱無愧遍諸不善性故名中也掉舉等遍不

善性及有覆性故名大也

觀經散善義傳通記卷第一見聞末

享保十六年十一月二十八日謹寫

四十三紙

三緣山活字

元文元丙辰五月二十日依一古本校合已畢
願求命終時盡除諸障礙
面見阿彌陀卽往安樂國 傳通院廿六代馨譽

